



HO'OLU LĀHUI
Regenerating Oceania
13th Festival of Pacific Arts & Culture
Hawaii'i 2024

MO'OLELO HĀLĀWAI O KE KOMIKINA NO KA HO'OLAULE'A NO'EAU A
MO'OMEHEU PĀKĪPIKA (FestPAC)

PŌ'AKAHI, 27 KEPAKEMAPA, 2021 HOLA 2:30'au

MA O KA ZOOM: 'AHA KŪKĀ MA KA WIKIŌ

Nā Lālā Komikina i kū mai:

Kalani Ka'anā'anā, Chair	-	Ke'ena Kuleana Ho'okipa o Hawai'i (HTA)
Maenette Ah Nee-Benham	-	Koho 'Ia E Ka Kia 'Āina
Makanani Salā	-	Ke Kūlanakauhale a Kalana o Honolulu
Māpuana de Silva	-	Kaiāulu
Jamie Lum	-	Ke'ena Ho'omohala Waiwai a me ka Ho'okipa (DBEDT)
Hinaleimoana Wong-Kalu	-	Ke'ena Kuleana Hawai'i (OHA)

Nā Hoa Kipa:

Maka Casson-Fisher	-	Ke'ena Kuleana Ho'okipa o Hawai'i (HTA)
Jackie Burke	-	Kaiāulu
Eric Chang	-	Kaiāulu
Ilihia Gionson	-	'Ahahui Ho'okipa 'Ōiwi Hawai'i
Lynn Martin Graton	-	Kaiāulu
June Matsumoto	-	Kaiāulu
Monte McComber	-	Royal Hawaiian Center
Ngahiraka Mason	-	Kaiāulu
Kīhei Nahale-a	-	Kaiāulu
Aaron Salā	-	Kulanui o Hawai'i/Royal Hawaiian Center
Malia Sanders	-	'Ahahui Ho'okipa 'Ōiwi Hawai'i
Kanoe Takitani-Puahi	-	'Ahahui Ho'okipa 'Ōiwi Hawai'i
Pris Texeira	-	Kaiāulu
Margo Vitarelli	-	Kaiāulu

Nā Limahana:

Margaret Ahn	-	Loio Kuhina
Marlene Hiraoka	-	DBEDT
Timothy Tiu	-	DBEDT
Scott Tome	-	DBEDT

Nā Mihi:

Snowbird Bento	-	Kaiāulu
----------------	---	---------

Jarrett Keohokālole - 'Aha Kenekoa o Hawai'i
Richard Onishi - 'Aha Lunamaka'āinana o Hawai'i

HO'OMAKA

Ho'omaka ka Luna Ho'omalū 'o Kalani Ka'anā'anā i ka hālāwai ma ka 2:33 'aui. me ke aloha aku 'ana i ka po'e ma ka ZOOM a me ka Facebook Live.

Noi mai ka Luna Ho'omalū iā Mr. Kīhei Nahale-a e mālama i ka wehena.

Ka'analike 'o Mr. Nahale-a no Project Kuleana me ke Komikina. Mo'olelo akula 'o ia no ke kumu o ka ho'okumu 'ia 'o Project Kuleana, 'o ia ho'i, he ala ia e ho'ōla ai i ka lāhui ma o ke mele, me ka wehewehe pū 'ana no ka Hawai'i o kahi mele ma muli o ke kuleana e hāpai 'ia ai ma nā mele. Ua kumu mai he mau wikiō mai kēia pāhana mai, he 12 ka huinani, me ke komo pū 'ana o nā 'ano pu'ukani kaulana like 'ole o Hawai'i. Piliwi nui 'ia ka mana'o, e pā ana nā hana o kēia wā i nā hana o ka wā e hiki mai ana. 'O ka po'e komo pū ma kēia pāhana, he mau kānaka no ke kaiāulu mai, i hana i nā 'ano mea like 'ole, a i loa ma nā hana like 'ole kekahi. Hō'ike akula 'o ia i kekahi poke wikiō e hō'ike ana i ka pa'i wikiō 'ia 'o Nani Kaua'i, me ka 'ōlelo pū 'ana no ke kupaianaha o ko Hawai'i po'e. Mahalo akula 'o ia i ke Komikina no kā lākou hana 'oiai, ua pili i ka ho'ōla 'ana i ka lāhui a laulaha.

Mahalo akula ka Luna Ho'omalū a me nā Lālā Komikina iā Mr. Nahale-a no ke ka'ana 'ana e pili ana iā Project Kuleana. Ho'omau 'o ia me ka 'ōlelo 'ana no ke ko'iko'i o ka maka'ala 'ana i ka 'ōlelo, 'oiai, e nui ana nā lāhui 'ē a'e e lele mai ana i Hawai'i no FestPAC, me ka mana'o e ka'analike ana lākou i ko lākou mo'omeheu o ko lākou 'āina, me kākou.

'ŌLELO HŌ'IKE A KA LEHULEHU.

Noi mai ka Luna Ho'omalū i ka po'e lehulehu inā he mau mana'o ko lākou no nā kumuhana o ka papa kumumana'o. Me ka 'ole o nā leo kū'ē i lohe 'ia, ho'omau akula 'o ia i kahi kumumana'o a'e.

Ho'olaha 'o ia no ke ka'aka'ahi 'ē 'ia o kekahi leka i ho'ouna 'ia ma mua o kēia hālāwai 'ana.

'ĀPONO I KA MO'O'ŌLELO HĀLĀWAI 7 KEPAKEMAPA 2021

Ka'aka'ahi 'ia ka mo'o'ōlelo hālāwai i nā Lālā Komikina i mea e nā'ana a loihape 'ia. Noi mai ka Luna Ho'omalū inā paha ua pono e ho'ololi 'ia kekahi mea. Me ka 'ole o nā leo kū'ē i lohe 'ia, noi mai 'o Ms. Ah Nee-Benham e koho pāloka ma o ke kāhea inoa, no ke 'āpono 'ia o ka mo'o'ōlelo hālāwai. Kāko'o 'o Ms. de Silva i kēlā mana'o. Penei ke ka'ina o ke koho pāloka 'ana: Luna Ho'omalū Ka'anā'anā, Ms. Salā, Ms. de Silva, Ms. Lum, Ms. Ah Nee-Benham, Ms. Wong-Kalu.

Ua lōkahi ke 'āpono 'ana i ka mo'o'ōlelo hālāwai.

KA NŪ HOU NO NĀ WĀ HUI I 'ĀPONO 'IA, ME KA HĀHAI PONO 'ANA I KE KĀNĀWAI 103, KE KAU KĀNĀWAI O HAWAI'I 2021

Ha'i mai ka Luna Ho'omalua no ka mālama 'ia o kekahi mau hui 'ana, me ka hāhai pono 'ia o ke Kānāwai 103. Ho'omau 'o ia me ka ho'olaha 'ana no ko nā lālā Komikina Papa Luna Ho'okele me ko ke Komikina Wahi ka'analike 'ana i ko lākou mau mana'o i kama'ilio ai. Ua pa'i a ka'aka'ahi 'ia he mau palapala e wehewehe ana no nā hālāwai i mālama 'ē 'ia ma mua o ka hālāwai o kēia lā.

KA NŪHOU NO KE KOMIKINA PAPA LUNA HO'okele

'Ōlelo akula ka Luna Ho'omalua no ka pono e wala'au 'ia o nā hana i ho'okō 'ia. 'A'ole ana ho'opuka 'ia ka inoa o nā moho. Noi akula 'o ia iā Ms. Ah Nee-Benham e alaka'i i kēia māhele o ka hālāwai.

Noi akula 'o Ms. Ah Nee-Benham i nā Lālā Komikina e nānā i ka mo'olelo hālāwai a ke Komikina Papa Luna Ho'okele i ka'aka'ahi aku ai. Ua ho'olaha 'o ia no ka wala'au 'ia no ke ka'ina hana o ke koho 'ana i Luna Ho'olaule'a. Hō'ike 'o ia no ko Ms. Sanders mā (maiā NaHHA mai), ho'ouna 'ana aku i ka wehewehena kūlana hana Luna Ho'olaule'a i nā pā'oihana a puni o Hawai'i. Ua 'ōlelo pū 'ia no ko ke kulanui o Hawai'i ('o UH nō ho'i), ho'olaha 'ana i ke kūlana i ko lākou mau limahana kekahi. Ua noi pū 'ia nā Lālā Komikina e palapala i nā inoa o nā kākā a me nā pā'oihana a lākou i ho'ouna aku ai i ka wehewehena kūlana hana. Ua noi 'ia e ho'ouna nā Lālā Komikina i ia papa inoa iā Ms. Sanders. A i kēia, he 'ekolu moho i noi no ke kūlana hana Luna Ho'olaule'a. Paipai ihola 'o ia i nā Lālā Komikina e ka'ana hou aku i ke kūlana hana, 'oiā, 'o ke awakea o 'Okakopa 5, 2021 ka lā i kau palena 'ia no ke noi komo 'ana no ke kūlana.

Ho'omau akula 'o Ms. Ah Nee-Benham me ka 'ōlelo 'ana no ka hui hou 'ana o ke Komikina Papa Luna Ho'okele a me ko NaHHA mā (ka po'e ho'i e hai ana i ka Luna Ho'olaule'a) ma 'Okakopa 9, 2021, e wae ai i nā moho no ke kūlana. Ua haku ke Komikina Papa Luna Ho'okele i kekahi anamana'o (he "Candidate Assessment Sheet" ho'i), e kōkua ana ma ka loiloi a me ke koho pono 'ana i ka moho kūpono, ua ka'aka'ahi 'ē 'ia kēlā palapala e hō'ike aku i nā Lālā Komikina 'ē a'e. Ma 'Okakopa 11, 2021, e noi 'ia ana ke Komikina Papa Luna Ho'okele e ka'ana aku i nā mea i wala'au a ho'oholo 'ia. Ma hope o kēlā hālāwai 'ana, e nīnauele ana ka Papa Luna Ho'okele a me NaHHA i nā moho no ke kūlana hana. Ma 'Okakopa 25, 2021, e hāpai ana 'o NaHHA mā, me ke Komikina Papa Luna Ho'okele mā, i kekahi moho a lākou e mana'o nei ua kūpono no ke kūlana, i mua o nā Lālā Komikina a pau. Ke noi 'ia nei e hālāwai ke Komikina piha me ka moho a lākou i hāpai ai, no 45 minuke, ma ia hālāwai 'Okakopa 25, 2021. Ma Nowemapa 8, 2021, makemake ko NaHHA me ko ke Komikina Papa Luna Ho'okele e ho'oholo kūhelu ma ka moho e lilo ana i ka Luna Ho'olaule'a no FestPAC.

Ho'omau 'o Ms. Ah Nee-Benham me ke ka'analike 'ana no ko lāua 'o Mr. Aaron Salā hui 'ana me nā luna 'o East-West Center e kama'ilio ai no ko lākou komo hou 'ana ma ke kōkua 'ana me FestPAC. Ua hui lāua me Ms. Mary Hatori, he pani no ke kūlana Luna Ho'okele ma Pacific Island Development Programs, me Ms. Jill Hamasaki, ke kanaka hokona a ho'oka'a'ike no East-West Center. Ua pīhoihoi lāua (me ka Pelekikena 'o East-West Center, 'o Mr. Richard Vuylsteke kekahi), e komo hou ma ke kōkua 'ana i ke Komikina me kēia hanana ho'olaule'a nui. Ke mana'o nei 'o Ms. Ah Nee-Benham e hiki ana ke ho'oikaika 'ia ka pilina ma waena o ke

Komikina me ko East-West Center mā. 'O kahi mana'olana a'e, ua pili i ka lako 'ia o kahi ke'ena hana ma ia wahi no ka Luna Ho'olaule'a.

Noi a'ela ka Luna Ho'omalua i nā Lālā Komikina e ho'olaha nui i ke kūlana hana Luna Ho'olaule'a, i hiki ke 'imi 'ia he moho kūpono no ka hana. Ua ka'analike 'o HTA i kēia kūlana hana me 18,000 mau kānaka; 'o ia ka heluna o ka po'e a HTA e kama'āina ai. 'O kahi mea hou aku, ua ho'olaha 'ia ke kūlana ma o ke kūlelepaho kekahi.

KŪKĀKŪKĀ & KE KOHO 'ANA NO NĀ KAHUA HO'OLAULE'A

Noi ka Luna Ho'omalua iā Hope Luna Ho'omalua Salā e alaka'i i kēia māhele o ka papa kumumana'o. Ka'analike ka Hope Luna Ho'omalua no ko ke Komikina Wahi hālāwai 'ana ma Kepakemapa 16, 2021. Ua ka'aka'ahi mua 'ia ka papa kumumana'o no kēia māhele o ka hālāwai. Ua hāpai 'o ia i nā inoa 'oko'a o nā wahi ma ka papa kumumana'o - Wahi A/Magic Island/Ala Moana Pāka; Wahi B/ke Kulanui o Hawai'i; Wahi C/Hawai'i Convention Center. Wahi a Ms. Salā, ke kali nei 'o ia i ke Ke'ena Maka'i o Honolulu ('o Honolulu Police Deptment), e ho'omākalakala i ka nui pipi'i no ka ho'olimalima 'ana i ia mau wahi; 'ane'ane pau kēia ho'omākalakala 'ana. Pono pū e no'ono'o 'ia ke kumukū'ai o ka ho'opalekana 'ana i ia mau wahi inā mālama 'ia he hanana ma Magic Island, a me ka papaha o ka hana pū 'ana me ka Papa Luna Ho'okele Hoa Kaihome inā mālama 'ia nā hanana ma kēia mau wahi ma 'ō aku o 'ehiku mau lā. Wahi a ka puke kulekele FestPAC, pono e lako 'ia he wahi ho'āhu, ma ke Kahua Ho'olaule'a. I ka wala'au 'ana me ko UH/Wahi B mā, wahi a ke Komikina Wahi, ua holo maika'i ia kūkākūkā 'ana. 'O kahi hihia i hāpai 'ia, 'o ia ho'i, kekahi hapa o ko ke kulanui 'āina, he 'āina i ili mai nā mō'i mai, a no ia kumu, e pono ana e wala'au me OHA no nā koina o ka ho'ohana 'ana i ia 'āina. 'Oiai 'oko'a nā ala nu'ukia o ke kulanui me FestPAC, e loa'a hou aku ana paha nā koina e hāhai ai. I ko ke Komikina Wahi mana'o, he koho maika'i ke kulanui, i loko nō o nā alaina 'oko'a i wala'au 'ia. 'O ka hihia nui me Wahi C/Hawai'i Convention Center, ua pili i ka 'i'ini e mālama 'ia nā hō'ike'ike ma ka 'āina. I mea e ho'oponopono ai i ia hihia, ua hāpai 'ia ka mana'o e mālama 'ia ka hō'ike'ike ma Thomas Square. 'Akahi nō a ho'olilo ke Kalana a me Ke Kulanakauhale o Honolulu he mau miliona kālā e ho'āno hou ai iā Thomas Square; he wahi waiwai ma ka mō'aukala o Hawai'i e ho'ohana kāka'ikahi 'ia ai no nā hanana.

Nīnau akula 'o Ms. Ah Nee-Benham inā ua hiki ke ho'ohana 'ia he pū'ulu kālā maiā HCC mai no ka ho'olimalima 'ana i nā wahi 'ē a'e, pane akula kekahi me ka 'ōlelo 'ana no ka hō'ole paha 'ia o ua mana'o. Ua hāpai 'o Ms. Salā i ka mana'o o ka mālama 'ana i ke Kahua Ho'olaule'a ma HCC, me ka mana'o e mālama 'ia he mau wahi hō'ike'ike 'ē a' a puni o ka mokupuni, me ka mālama pū 'ia o nā mākeke ma ka wā o nā hō'ike'ike.

Kū'ē ka Luna Ho'omalua i ka mālama 'ana i ke Kahua Ho'olaule'a ma HCC, 'oiai, e aho ka mālama 'ia ma kekahi wahi ka'awale, i hiki i ke kaiaulu ke nanea i nā hō'ike'ike. 'Oiai aia 'o Thomas Square ma kekahi wahi kiwikā, pono e no'ono'o 'ia ka papaha o ka pa'a o ke alanui a me ka palekana/palekana 'ole paha o ke kaiaulu. 'Oiai kokoke 'o Thomas Square i ka Neil Blaisdell Complex, āhea e ne'e ana ke Ke'ena Enterprise Services? Ho'omaopopo akula 'o Ms. Salā i nā Lālā Komikina, 'oi loa aku ka ho'okiwikā 'ia 'o Honolulu ma mua o nā wahi 'ē a'e i mālama mua ai iā FestPAC. I loko nō paha o ka 'oko'a o kēia hanana ho'olaule'a mai nā mea 'ē

a'e i mālama mua 'ia, e aho paha ka mālama 'ia o nā mākeke ma ka wā o kēia hanana ho'olaule'a i mea e kāko'o ai i nā pā'oihana mai 'ō a 'ō o ka Pākīpika.

Hāpai 'o Ms. de Silva i ka mana'o, he makepono paha ka hō'oiā 'ana iā wai lā e hō'ike'ike ana ma ke kulanui (UH). Noi akula 'o ia i nā Lālā Komikina e kau ka mana'o i ka no'ono'o 'ana i kahi kūpono e mālama ai iā FesPAC, me kahi kūpono e ho'okipa ai i nā hoa kipa, 'a'ole e no'ono'o e pili ana i ka mo'ohelu kālā i kēia manawa. Paipai 'o ia i ka mana'o o ka ho'ohana 'ia 'o UH 'o ia kahi e mālama 'ia ka nui o nā hana FestPAC, hiki paha ke ho'ohana 'ia 'o HCC no nā hanana li'ili'i, e la'a ho'i me nā la'ana kuke, he wahi mālama hālāwai, he wahi e mālama 'ia ai nā pānela, apwa. E aho paha ka helu papa 'ana i nā hana e mālama 'ole 'ia ana ma HCC, e la'a ho'i me ke Kahua Ho'olaule'a. He hilahila ka mālama 'ana i ke Kahua Ho'olaule'a ma HCC. E no'ono'o paha 'ia ka mālama 'ana i kekahi mau hanana ma nā wahi 'ē a'e o ka mokupuni kekahi; 'o Wai'anae 'oe, 'o Kapolei 'oe, 'o Lā'ie 'oe, 'o Kāne'ohe 'oe, apwa. Ua hiki i kēia mau kaiāulu 'oko'a ke ho'okipa i nā lālā e komo ana ma kēia hanana ho'olaule'a.

Ho'opuka maila ka Luna Ho'omalū no kona 'ike i ka loa'a o kekahi pū'ulu kālā li'ili'i i hiki ke ho'ohana 'ia e ho'olimalima ai iā HCC, akā na'e, e mau ana nō ka pono e ho'oulu kālā i mea e mālama ai iā FestPAC. 'A'ole pono e ho'ohana 'ia 'o HCC, i loko nō o ka lako 'ia o kekahi pū'ulu kālā no ka ho'olimalima 'ana i ia wahi. Ho'omau 'o ia me ka 'ōlelo 'ana no ka mea nui o ka lilo 'ana o ke Kahua Ho'olaule'a, 'o ia ka piko o kēia hanana 'o FestPAC. E 'oi aku ana ka maika'i o kēia hanana ma muli o ka po'e e komo pū ana ma kēia hanana nui. Hiki paha ke ho'ohana 'ia 'o HCC no ka ho'olele 'ana i nā ki'i'oni'oni a me nā hanana li'ili'i 'ē a'e kekahi. Ua hiki ke hana i nā 'ano hana 'ē a'e ma ia wahi, 'a'ole na'e ia kahi kūpono e mālama ai i ke Kahua Ho'olaule'a.

Ho'opuka maila 'o Ms. de Silva no kona hopohopo i ka ho'olimalima 'ana iā Thomas Square, ua like nō kona mau mana'o no ia wahi me ko ka Luna Ho'omalū. I kona mana'o, he pono ka mālama 'ia o ke awai nui o kēia hanana FestPAC ma kahi e mālama 'ia ai ke Kahua Ho'olaule'a.

Wahi a Ms. Ah Nee-Benham, he pono ke kūkākūkā hou aku 'ana me ko ke Kulanui o Hawai'i mā. Hāpai 'o ia i ka mana'o 'o ka ho'ohana 'ana iā HCC ma ke 'ano he wahi ho'āhu. Kāko'o 'o ia i ka mana'o o ka mālama 'ana i mau wahi a puni o O'ahu no nā hō'ike'ike, me ka paipai pū 'ana i ka mana'o 'o ka ho'ohana 'ana i ka 'āina ma ke Kulanui Kaiāulu o Kapi'olani (KCC), i ka Andrews Amphitheater, a me ka hale kikowaena 'o McCarthy, no nā mākeke.

Wahi a Ms. de Silva, i loko nō paha o ka hiki 'ole ke wānana pono 'ia o ke anilā no nā lā o kēia hanana ho'olaule'a, e aho ka hopohopo 'ole no ia nīnūnē, e walea wale aku nō i ka hanana a me ka nani a nani 'ole paha o ke ao.

Kāko'o akula 'o Ms. Wong-Kalu me ka 'ōlelo 'ana, 'o ia ka nani o ka hō'ike'ike 'ana i waho ma ka 'āina, e 'ike 'ia ana ka nani o ke ao kūlohelohe. Nona iho nō, ua hula mua 'o ia ma nā 'ili'ili pōhaku, i ka wā e kau ana ka lā i ka lolo, he wā wela. Kāko'o 'o ia i ka mana'o a ka Luna Ho'omalū; he pono ka mālama 'ia 'o ke Kahua Ho'olaule'a i waho. Ma hope iho, ho'olaha 'o ia 'o kēia ka lā hope āna e kū 'elele ana no OHA ma kēia mau hālāwai. Mahalo akula ka Luna

Ho'omalulu iā ia, me ka ho'omaika'i pū 'ana iā ia no nā kuleana hou āna e 'auamo ana mai kēia mua aku.

Mahalo akula 'o Ms. Salā i nā Lālā Komikina no ka hō'ike 'ana i ko lākou mau mana'o. Maopopo iā ia he koho maika'i ka ho'olimalima 'ia 'o HCC, akā na'e, he pono ka mālama 'ia 'o ke Kahua Ho'olaule'a i waho. I loko nō o kona kama'ilio iki 'ana me UH, e noi ana 'o ia e ho'opa'a hālāwai me nā alaka'i o ke kulanui e kūkākūkā hou aku ai. Koho a'ela ka Luna Ho'omalulu i nā makakoho mua no ke Kahua Ho'olaule'a, 'o ia ho'i 'o UH Mānoa/West O'ahu, me Magic Island ma ke 'ano he pani. E holoi 'ia 'o HCC mai ka papa inoa mai. I loko nō o ka lako 'ia o ke kālā no HCC, e 'imi ana ka Luna Ho'omalulu lāua 'o Ms. Salā i kekahi ala e ho'ohana hou aku ai i ia wahi. Makemake 'o Ms. Salā e waiho 'ia 'o HCC ma ka papa inoa no nā wahi, me ka mana'o na'e, 'a'ole e ho'ohana 'ia no ke Kahua Ho'olaule'a. Hāpai mana'o 'o Ms. Wong-Kalu no ka ho'ohana paha iā Kualoa Ranch. I loko nō o kona kū 'elele 'ole 'ana no OHA, makemake 'o ia e ho'omau i ke kōkua 'ana ma o ka 'imi 'ana i wahi kūpono e mālama ai i ke Kahua Ho'olaule'a.

Ho'olaha 'o Ms. Ah Nee-Benham no ka pono e hui koke ke Komikina Wahi me ko UH mā, 'oiāi, pono e 'ike inā ua hiki nō ke ho'ohana i ke kahua kula no ke Kahua Ho'olaule'a. E ho'ohana 'ia 'o HCC no nā hanana 'ē a'e 'o FestPAC.

Nīnau maila 'o Ms. de Silva inā hiki iā ia ke komo pū ma ka hālāwai me UH. I kona mana'o, pono e hō'ike 'ia pehea e maika'i ai ka mālama 'ana i ke Kahua Ho'olaule'a ma ke kahua kula, inā hana 'ia pēlā, e 'oi aku ana ka papaha o ko lākou 'ae 'ana i ka ho'olimalima 'ia o ke kahua kula. Kāko'o 'o Ms. Salā i nā mana'o i hāpai 'ia me ke noi pū 'ana iā Ms. de Silva e komo pū 'o ia ma ka hālāwai me ka Papa Luna Ho'okele Hoa Kaiāhome. Ua hāpai 'ia ka mana'o e komo ka Luna Ho'omalulu a me Ms. Salā ma kēia Komikina, e komo pū 'o Ms. de Silva e kū 'elele ana no CPAC, me Ms. Ah Nee-Benham pū kekahi. E kū 'elele 'o Ms. Ah Nee-Benham ma ke 'ano he Hope Luna Ho'omalulu no FestPAC, me he 'elele no UH kekahi. 'A'ole ana paha kupu mai he hihia inā kū 'elele 'o Ms. Ah Nee-Benham no ia mau kulanui 'elua, akā na'e, inā nō kupu mai he hihia, e no'ono'o pono ana 'o ia i kāna mea e ho'oholo ai. Noi akula 'o Ms. Ah Nee-Benham no kekahi wā pōkole e ho'oholo ai i kona mana'o. Inā ke no'ono'o 'ia nei e ho'ohana iā Magic Island, i ko Ms. Salā mana'o, he makepono ka ho'omākaukau 'ana i hō'ike'ike no ka Papa Luna Ho'okele Hoa Kaiāhome, e noi ana no ko lākou kāko'o.

Paipai 'o Ms. Wong-Kalu i nā Lālā Komikina e ho'oka'a'ike mai inā paha pono kekahi kanaka mai ke kaiāulu e wala'au ai ma kekahi hālāwai ho'olohe, nāna e 'auamo i ia kuleana. Mahalo a'ela ka Luna Ho'omalulu iā ia no ka hāpai 'ana i ia mana'o.

Ho'oholo ka Luna Ho'omalulu he pono ka hālāwai kūhelu 'ana me ko UH me ko ke Kūlanakauhale. E pono ana ka wā i kēia mau pā'oihana no ka ho'oholo 'ana i ke kōkua a kōkua 'ole paha me kēia hanana. Me ia mau mana'o, noi mai ka Luna Ho'omalulu inā kāko'o nā Lālā Komikina 'ē a'e i ka ho'omakakoho 'ana i ke kulanui 'o ia ke koho mua no ke Kahua Ho'olaule'a, a 'o Magic Island ke pani. Pane akula 'o Ms. Salā me ka 'olelo 'ana nāna nō e ho'opa'a i ka hālāwai me UH mā me ke Kūlanakauhale 'o Honolulu.

Mo'olelo Hālāwai o ke Kōmike no ka Ho'olaule'a No'eau A Mo'omeheu Pākīpika 13
Pō'akahi, 27 Kepakemapa, 2021 hola 2:30'aiu ma o ka ZOOM
'Ao'ao 7 o 7

Me ka 'ole o nā mana'o 'ē a'e i lohe 'ia, ua ho'oholo ka Luna Ho'omalū e ho'opane'e i ka ho'oholo kūhelu 'ana ma ke Kahua Ho'olaule'a i kahi hālāwai a'e.

'ŌLELO HŌ'IKE A KA LEHULEHU

Noi mai ka Luna Ho'omalū inā paha he mau mana'o ko ka po'e lehulehu. Hō'ike 'o ia no ka ho'ouana 'ia o kekahi palapala i kākau 'ia i ka'aka'ahi 'ē 'ia i nā Lālā Komikina.

Me ka 'ole o nā mana'o i ka'ana 'ia, ho'omau akula ka Luna Ho'omalū me ka ho'opuka 'ana i nā ho'olaha, me nā lāli'i o kahi hālāwai a'e.

NĀ HO'OLAHA

Paipai ka Luna Ho'omalū i nā Lālā Komikina e ho'olaha i ke kūlana Luna Ho'olaule'a.

Hō'ike akula 'o Ms. de Silva i kona mahalo i ka Luna Ho'omalū no kona mau mākau alaka'i. Mahalo pū 'o ia i nā Lālā Komikina no ka pa'u mau 'ana i ka hana, e like nō me ka mea e pono ai.

Mahalo akula ka Luna Ho'omalū iā Ms. Wong-Kalu no kāna mau hana ma ke 'ano he Lālā Komikina e kū 'elele ana no OHA. Hau'oli 'o ia i ka lohe 'ana no kona kōkua 'ana ma ke 'ano he 'elele o ke kaiaulu mai kēia mua aku.


KA HO'OPA'A HĀLĀWAI- PŌ'AKAHI 11 OKAKOPA 2021

Chair commented that October 11th is Indigenous People's Day.

HO'OKU'U

Ua ho'oku'u 'ia ka hālāwai ma ka 3:56'aiu.

Me ke aloha e waiho 'ia nei,



Kalani Ka'anā'anā
Luna Ho'omalū

10/08/2021

Lā